

5

Eurmennata ràn c'hoas qent disqen er Menez;
 Me a garre plijout da galon va mestrez :
 Rouanez ar Muset, ho pet attention
 Qent ma zin da repos canomp dezi ar zon.

FIN.

CHANSON NEVEZ

Var sujet eun ozac'h zo bet fouettet gant e vreg.

Var ton : Bretonet, d'en em divertissa.



C'HOANT am bez d'ho laqat da c'hoarzio,
 Pa glêfot petra zo c'hoarvezet
 Gant eun Ozac'h demeus ar vrô-mâ, daic tala,
 Gant eun Ozac'h demeus ar vrô-mâ
 A zo bet fouettet gant e vreg.

An den-mâ a ranqe lusqellat,
 Ha mont ive bemdez d'ar ster,
 Ha ma na blije qet an dillat, daic tala,
 En divije bazadou leiz e ler.

Qê pront dâ lusqellat ar buguel,
 Sqüis ê va fenn oc'h e glêvet,
 Pe ma qemeràn eur geuneuden, daic tala,
 Va mignon, me raï did monet.

6

Va fried, arabet e fachac'h,
Monet a ràn da lusqellat :
Cousqit aze va mabic bian, daïc tala,
Mar fach ho mam ne m'oun qet net.

Yan, ret e dec'h sevel ar buguel,
E domma hac e valluri,
Oza ar yot, qempen an ty-màn, daïc tala,
Güelc'hi podou ha scudelli.

Me ya da dy va amazeguez,
Da gozeal eun nebeut c'hoas ;
Preparit lein aben ma teuin, daïc tala,
P'autramant ho po fest ar vas.

Qemeret ho plijadur, va fried,
Me yêlo doc'h avertissa ;
Caout a refot pep tra preparet, daïc tala,
Aben ma teufot da leïna.

Va fried, pa vo ho commodite,
Prest ê lein, trempet ar zouben ;
Me a ya va-unan da zervicha, daïc tala,
Da laqat güin en ho qüeren.

Yan, qeit ha ma vezin e leïna,
Laqit buen dour var an tân,
Da voelc'hi plajou ha scudelli, daïc tala,
Ha podes va mabig bian.

7

Yan, amâ e zeus chomet souben,
 Debrit hervez hoc'h appetit,
 Hac esqern a zo mad da grignat, daïc tala,
 Mes na douchit qet ous ar c'hiq.

Va friet, me a effe eur banne,
 Eur zec'het bras a meus bremâ.
 Qemer da veren eta, mevier, daïc tala,
 Te a c'heus c'hoant eus a bep tra.

Mont a ra da rinça e veren,
 Eur maleur gantàn zo c'hoarvezet :
 Gant ar bres en devoa d'e voalc'hi, daïc tala,
 Etre e zaouarn ê torret.

Chom a eure a grenn estonet;
 Ma lavaras en eur grena :
 Eur maleur zo ganén arruet, daïc tala,
 Torret ê va güeren, emezâ.

Jarnicoton, eme Jacqetta,
 Bremâ ni a zanço ar bal :
 Tennit ho praguezen, va mignon, daïc tala,
 M'ho p'o an disciplin ractal.

Taflica flaca a beb costez,
 Me ho tisco da derri güer,
 Na netra demeus an tieguez, daïc tala,
 C'houi oar ervad an traou zo qer.

8

Va fried, ho pet ouzin truez,
C'houi a laqai ar goad da redeg ;
Me esse qent güin gant va bouttes, daic tala,
Eguet terri güeren ebet.

Güisqit ho praguezen, va mignon,
Hac it da rinça ar pô-t-se :
Divoallit na dorfac'h davantach, daic tala,
Netra ebet en ho pue.

Qen tra a dori en ti-màn,
Me a grogo ouz bleo da ben,
Ha memes tra ouz da ziouscouarn, daic tala,
Qen a zeuint qeit ha re eun azen.

Diouzin-m'eta, goaset yaou anq,
Tachit da blijout d'ho craguez :
Divoallit na viot re vechant, daic tala,
Pe viot fouettet coulz ha me.

FIN.

Montroulez, Imprimiri A. LEDAN.